

新修江寧府志卷之十

古蹟下

板橋三國志注引千寶晉紀張喬敗吳軍於板橋謝眺有出新林向板橋詩詳見山水志

朱雀航當今南門鎮淮橋處晉名大航

驃騎航在朱雀東亦名小航或以為會稽王道子所立道子嘗為驃騎將軍故名或以為梁臨川王宏宅在此或以為紀瞻嘗居此今無橋六朝自石頭沿淮立二十四航今不詳晉寧康元年詔除丹陽朱雀竹格驃騎四航稅

新修江寧府志

卷之十

古蹟

一

張侯橋舊說本吳張昭建晉書盧循傳焚查浦進至張侯橋當在南門外

皂莢橋今不詳其地梁武紀曹景宗屯皂莢橋按唐韓翃詩春

衣晚入青楊巷細馬初過皂莢橋正指丹陽地也王阮亭謂青楊巷在荊州又引晁無咎揚州詩皂莢村南三四里謂橋在揚州不悟眺固云村不云橋也且末句云雙堤鬪起如牛角知是隋家萬里橋豈有一詩而用二橋名耶况荆揚相距遙遠不容連說近趙翼雲松著說亦謂翃詩誤非也

東門橋在樂游苑東

尹橋在潮溝大港東

雞鳴橋詳下

募士橋詳下

菰首橋一曰斜橋宋乾道志謂卽東虹橋按東虹乃南

唐宮左護龍河橋今名昇平橋其水出四象橋達淮清

橋合秦淮

按此本跨青溪南唐借其水爲護龍河故宋志謂卽東虹橋也

青溪中橋齊書始安王遙光據東府反曹虎屯青溪中

橋以拒之陳後主紀晉王廣命斬張貴妃崩于中橋

青溪大橋今不詳宋石邁古蹟編云東出句容大路西

卽江總宅

以上七橋跨青溪上金陵新志舊稱青溪九曲蓋自元武湖引水從東北灤洄達於秦淮

其曲折有九於上跨橋七東門橋在樂游苑東次南曰

尹橋次南曰雞鳴募士菰首次南曰青溪中橋青溪大

橋按此云七橋跨青溪自不誤但云自元武湖引水則

誤以潮溝爲青溪矣不悞青溪本出鍾山西南流入於

淮潮溝則引後湖之水東南流合於青溪

古蹟

二

新修江寧府志

卷之十

古蹟

二

西南經菰首等橋入秦淮今鍾山書院前後諸橋水流

合昇平橋經四象淮清橋者皆青溪故道也菰首旣爲

東虹則中橋大橋當卽今四象淮清二橋處世指大中

橋爲卽古青溪中橋者非也宋石邁云青溪大橋西卽

孝義橋景定志云本名甃子橋

陽烈橋見南史劉瓛傳又王僧虔於陽烈橋觀鬪鴨今

不詳其地

西州橋景定志云宜在今筮橋西

高華橋景定志云今建興寺北路東出度此橋宜在今

乾道橋左右

禪靈寺橋景定志云對禪靈渚宜是今斗門橋

欽化橋景定志云卽笄橋今名太平橋以上跨運瀆

檀橋見南史劉瓛傳詳古宅

南渡橋景定志云秦淮上橋今不詳其處李白詩捨舟

共連袂行上南渡橋

日華橋在宋行宮東護龍河

月華橋在宋行宮西

廣富橋在月華北以上三橋跨護龍河

赤蘭橋景定志云今城南有赤蘭坊橋不詳其處

長樂橋唐建在秦淮上名長樂渡景定志云今桐林灣

新修江寧府志

卷之十

古蹟

三

是其地隸長樂坊

白下橋一名上春橋景定志云在東門外側有白下亭

苑家橋在東花園相傳姓乃元降官洪武賜中山守門

後司東花園傳至

國初有苑老者無子能種花開茶肆每夏初罌粟虞美人最盛今當爲萬花園處無知有苑姓者矣

瓦官寺南唐改曰昇元寺宋太平興國五年改爲崇勝

戒壇院按寺爲潘美所燬疑宋改院時重建明初寺廢嘉靖中集慶庵僧

掘地得昇元石像云此卽瓦官寺故址遂改爲古瓦官

寺詳見瓦官閣南史師子國傳晉義熙初遣使獻玉像經十

載乃至像高四尺二寸玉色潔潤形製殊特歷晉宋在

瓦官寺與戴安道手製佛像五軀及顧長康維摩圖杜甫

詩虎頭金粟影神世稱三絕齊東昏截取玉像作潘妃妙獨難念指此

釵釧又有晉恭帝造丈六金像釋氏通鑑宋世子丈六銅像

南史戴容傳今皆無

保寧寺在城內新橋南吳大帝為西竺康僧會建晉時

有鳳集於此山因建鳳凰臺於寺側宋更寺名曰祇園

寺齊太祖於其地得外國磚為白塔名白塔寺唐開元

改長慶寺韓擇木書額南唐保大中名奉先寺宋太平

興國賜額保寧建靈光鳳凰凌雲三亭政和七年敕改

新修江寧府志

卷之十

古蹟

四

神霄宮紹興南渡嘗駐蹕於此宋葉夢得有記今廢見

金陵新志

江左佛寺最盛但歷代既遠故剝遺址多有可考有文藻炳如而名與地疑似難信又有

空名雖存而文史無徵亦為錄之以資搜討自保寧而下凡十六寺

湘宮寺舊在青溪中橋北南史虞愿傳宋明帝以宅捨

為寺嘗欲造十級浮圖而不能乃分為二帝謂龜尚之

曰卿至湘宮寺未此是我大功德用錢不少虞愿侍側

曰此皆百姓賣兒鬻婦錢所為何功德之有又齊始安

王遙光以東府城叛蕭坦之屯湘宮寺

梁簡文帝有碑銘

鐵塔寺在朝天宮後劉宋泰始中建名延祚寺梁王僧

辨討侯景景將宋長貴守延祚寺唐僧靈智生無目時

謂有天眼爲建塔於寺宋熙寧賜額曰正覺改塔名曰  
普照王荆公嘗於寺西建書院有軒名籜龍建炎三年  
以法堂西偏爲元懿太子攢宮明建文時嘗募修今寺  
廢唐宋人賦咏甚多佛殿前有鐵塔二座鑄云乾興元  
年造古鐘唐時鑄有經幢鐫大吳金陵府延祚院又  
有百丈井井闌有保  
大年字見翠微亭

正覺寺見南史徐爰傳伽藍記云尚書令王肅所建地  
未詳

禪靈寺見齊武帝紀及王僧辨傳在今陡門橋西北  
同泰寺在梁時北掖門外梁大通年建寺在宮後開一  
門曰大通對寺南門造大佛閣大同十年雷火所焚略

新修江寧府志

卷之十

古蹟

五

盡欲更造而侯景亂南唐改名淨居寺尋又改圓寂寺  
以其半爲法寶寺南史武帝屢幸同泰捨身鑄十方銀  
象十方金象設四部無遮大會

法寶寺卽同泰之址楊吳置千福院宋改賜今額寺前  
有醜石四各高丈餘世呼三品石政和中取歸汴京或  
謂之闕石寺前有井耆老相傳爲胭脂井寺基最潤淳  
祐置精銳軍同泰寺地皆爲塞屋及蔬圃蓋精銳軍寨  
在都統制司之後都統制司在宋行宮後法寶寺在精  
銳軍寨後其基皆梁陳宮掖舊址故景陽樓及臨春三  
閣胭脂井皆在寨內元戚光云法寶寺老僧猶能記其

祖師之言謂宋行宮城後門乃梁陳宮城前門也  
齊安寺南唐昇元中建宋政和中改賜額曰淨妙寺在  
宋東門外四里面秦淮王荆公有齊安寺詩石刻尚存  
李璧注謂寺是齊武帝宅按武帝宅爲青溪宮未聞爲  
寺也

半山報寧禪寺宋時在城東七里距鍾山亦七里此爲  
半道故名半山王安石捨宅賜額報寧禪寺曰半山寺  
從其實也東坡詩所云朱門收畫戟紺宇出青蓮指此  
也明時皆入禁中荆公有謝賜寺額表又南史天竺迦

毗黎國傳所載江左諸寺曰新安寺宋孝武殷貴妃子鸞封新安王故

新修江寧府志

卷之十

古蹟

六

以爲寺號曰中興寺曰天寶寺曰冶城寺沙門慧琳所住曰東安寺

曰鬪場寺都下語曰鬪場禪師窟東安談義林曰天安寺宋孝武於中興寺齋有一異僧

象莫之識問之答言從天安寺來以上俱無蹟可考

靈谷寺在城東北鍾山左獨龍岡離朝陽門十里梁天  
監十三年爲誌公建塔於鍾山玩珠峯前名開善精舍  
後爲開善寺宋改名太平興國寺後名蔣山寺明初因  
其地敕改寺地於其東賜額靈谷寺有明祖大靈谷寺  
記而舊寺基遂爲孝陵寺內有寶公塔景陽鐘元時鑄

古在無三絕碑見金石八功得水宋時有僧曇隱以居乏  
量殿前三絕碑水竭誠禮懺遂獲此泉  
一清二冷三香四柔五甘六淨七不饑八蠲疴自梁以  
前嘗取給供御明時遷寺塔舊池就涸從寺東馬鞍山

下通出今寺後因火災復竭正  
統久旱忽湧出如初今復竭  
琵琶街說法堂前山谷應聲如奏絃

梅花塢在寺左後寺廢殿獨存

國初僧羽南重募修種桃花萬樹今亦廢康熙四十六年

聖祖仁皇帝南巡臨幸

賜御書匾額聯語及石刻金剛經泥金心經木刻藥師經各一

部按鍾山舊有寺七十所齊梁以降遞有廢興至宋王

安石併諸小刹於太平興國寺而紺宇金界半為邱墟

矣明以其地為孝陵乃悉歸併於靈谷寺昔之棋置星

列者遺址俱在禁垣內然其名蹟最著見之史傳志乘

者悉附於後

新修江寧府志

卷之十

古蹟

七

曰飛流寺梁元帝有碑銘曰開善寺南史張識傳曰延賢寺高僧傳

尚住曰靈味寺梁天監中釋寶亮住南史寶誌傳曰興皇寺陳大建中釋法朗住南史

孫暘傳曰竹林寺南史宋武帝紀曰大愛敬寺梁武帝紀曰雲居寺庾信

有詩曰明慶寺姚察王褒江總有詩曰道林寺陳時建陳徐伯陽有詩曰定林

寺見南史劉總明僧紹何允等傳又今傳寺前有應潮井曰鍾山寺曰草堂寺周容

捨宅曰幽棲寺曰淨名寺曰悟真院入功得水舊在庵後曰定巖寺

曰翠微寺曰法雲寺南史張識傳曰興教寺曰宋熙寺南史劉盱

傳曰白蓮庵曰栽松庵晉時刺史罷還令栽松誌見山水曰崇禧萬壽

寺元時為寶誌公建于寺聚銅數萬斤鑄大鐘敕趙世廷為碑記及銘

天界寺在城南鳳臺山離聚寶門二里元文宗以金陵

潛邸建寺名大龍翔集慶寺舊在城西朝天宮東今下  
街口白塔街皆其地也明洪武初災敕徙城南閭寂處  
與民居不相接出內帑建更名天界寺徵高僧宗泐主  
之舊寺中小庵三十六所今皆鞠爲茂草洪武時詔高  
啓等十六人於此修元史啓有萬履隨鐘集千鐙入鏡  
流句想見其盛明季多爲官寓阮大鍼集有臥病天界  
寺杜于皇過訪詩殿後毘盧閣高十四丈今久毀

元文宗登

極後賜治亭名飛龍亭虞集爲之記

報恩寺一曰建初寺一曰長千寺一曰阿育王寺在聚  
寶門外聚寶山吳赤烏間天竺國人康僧會東游至建

新修江寧府志

卷之十

古蹟

八

業言阿育王役鬼神起塔事吳大帝詰難之乃禮請三  
七日得舍利始大嗟服卽爲建阿育王塔號建初寺言  
江南初建塔寺之始也因名其地爲佛陀里後孫皓毀

廢事見高僧傳

南史扶南國傳阿育王滅度後一日夜役鬼

神造八萬四千塔此卽其一吳時有尼居其地爲小精  
舍孫琳毀除之塔亦滅吳平後諸道人復於舊處建立  
焉晉簡文敕造小塔未成孝武時劉薩何感疾夢神令  
禮阿育王塔因至丹楊登越城四望見長千里有異氣  
因就禮拜果是先阿育王塔乃掘得舍利及爪髮卽對  
簡文所造塔西造一層塔孝武十六年改造出舊塔舍

利爪髮加造三層梁大同中出舊塔舍利敕市寺側數

百家宅地以廣寺域南史所載諸緣起事甚多南唐時廢宋改爲天

禧寺祥符中建聖感塔元改慈恩旌忠寺至正間燬於

火明永樂十年敕工部重建造九級琉璃塔皆準大內

式至宣德六年凡二十九年始成賜額大報恩寺嘉靖

時燬惟塔及禪殿僅存

國朝康熙三年沈豹募建大殿塔後有無梁殿萬佛閣僧

休然建又有唐三藏法師石塔後有放生池康熙二十

三年

聖祖南巡幸寺登塔最高頂

新修江寧府志

卷之十

古蹟

九

御書匾額

賜金佛一尊金剛經一部供奉塔頂三十八年塔燬

特頒帑金修造

按明時靈谷天界報恩稱爲三大寺賜田瞻僧最饒次日雞鳴棲霞靜海宏覺能仁合稱八大

寺其餘弗及

雞鳴寺在城內西北當六朝宮後疑卽同泰寺址明洪

武二十年改建曰雞鳴寺遷靈谷寶公函座於山建塔

五級其左近列建十王功臣等廟星置棋布綿亘相接

欽賜門額曰秘密關其右建施食臺又有望湖亭憑虛

閣登閣滿城在望

按憑虛閣南唐時建見徐鉉集或中燬而明代重建

國朝康熙癸卯年塔毀重修

聖祖南巡臨幸

賜御書額乾隆十五年於寺內恭建

行宮以備

駐蹕臨幸卽憑虛閣地

棲霞寺在太平門外四十里攝山齊永明間明僧紹捨宅爲寺陳江總有碑隋造舍利塔唐改名棲霞寺南唐改妙因寺宋太平興國間改名普雲寺元祐改嚴因崇報禪院明洪武仍名賜額棲霞寺

國朝仍舊名寺有大石佛

明僧紹子仲璋琢高四丈佛頂有珠光彩射人後墜因置閣藏

之大觀中爲權要取去一夕夢人索珠俄失所在米芾有詩紀事古銅佛掘地得不知何代所鑄

新修江寧府志

卷之十

古蹟

十

法鐘太始中自鳴明嘉靖辛酉十月十八日夜自鳴銀杏樹相傳千妙因寺額

徐鉉書金寶坊牌宋仁宗賜今失其勝則有千佛巖疊浪巖天

開巖般若臺明月臺珍珠泉白鹿泉白雲菴卽明僧紹宅遺址

紫峯閣明時覺浪禪師開法於此塔在焉其後笑峯竺

菴相繼剏禪堂於中峯之下

靜海寺在城西去儀鳳門半里盧龍山西卽獅子山永樂以

海外平服因建寺賜額靜海寺中有危石下空洞虞允

文嘗三宿於此有宋人題字石刻於上蓋是時尚臨江

游故能泊舟於下題字也

宏覺寺在聚寶門外三十五里牛首山相傳上下有辟支佛窟宋大明

中移南郊壇於東峯時西峯石窟有一僧跌坐坐問之忽無所見但遺錫杖香爐瓶盂天監間司

空徐度建寺因名佛窟寺唐曰長樂寺亦曰資善院又

曰福昌院南唐後主改今額宋太平興國改崇教寺明

初仍名佛窟正統仍名宏覺按牛首有幽棲寺即宏覺寺今又別有幽棲祖堂寺

豈宏覺所分耶山為唐法融禪師開教處謂之牛頭宗有丹竈

在禪堂內投以石鼓峯北有石如臥鼓天雨則自鳴唐塔大歷元年代宗感夢因敕

建七級浮圖大銀杏樹其勝有兜率巖文殊洞含虛閣

能仁寺在南城外去聚寶門二里天竺山舊在古臺城

西宋元嘉中建唐會昌中廢楊吳改報先院南唐改興

慈院宋開寶廢太平興國更建改名承天寺政和復名

新修江寧府志

卷之十

古蹟

十一

能仁建炎中燬於兵慶元重修慶元志謂即昇元寺舊址恐非明初寺

災洪武戊辰改建今地嘉靖復災萬歷間重修

國朝順治間復修

按景定志能仁寺在南廂嘉瑞坊慶元間游九言謂寺南接秦淮數百步至道

中有圓覺律師德明者際遇太宗召見賜御容及羅漢像以歸更律院為禪寺

宏濟寺今名永濟寺在城東北觀音門外燕子磯側洪

武初即山建觀音閣正德初就閣建寺賜今額殿閣皆

緣崖構成危石半空嵌絕壁上以鐵鑊穿石繫柱俯臨

大江最為勝處今江流北徙洲渚環抱寺之奇險略異

疇昔而江天曠偉之觀自在也

國初重修禪堂極為壯麗乾隆十五年於寺內恭建

行宮以備

駐蹕

慧居寺在府治東六十里寶華山梁寶誌開創明初久廢萬歷間李太后夢一山皆蓮下部徧訪乃敕建銅殿一座供大士賜額聖化隆昌寺崇正十年三昧律師住錫茲山爲律堂

國朝順治二年律師見月恢宏其制建石戒壇於銅殿下  
康熙四十二年

聖祖仁皇帝巡幸

御書慧居寺額賜改今名內有藏經樓供奉

新修江寧府志

卷之十

古蹟

十二

敕賜藏經並

御書墨寶

高座寺在南門外雨花臺梅岡上晉永嘉中名甘露寺西竺僧尸黎密來中國爲王丞相等所敬因號所居爲

高座旣卒於塚側立刹謝鯤仍名爲高座寺

見世說  
新語註 梁

時寶公主其寺有雲光法師坐山巔說法感天雨寶花

唐盧襄名之曰雨花臺有誌公手植松中孚塔甘露井

宋末燬於兵明重修

國朝順治十五年更建大殿今亦就圯

迴光寺本蕭寺在城南隅梁武帝建命蕭子雲飛白大

書曰蕭寺

見杜陽雜編

唐有李約購取建蕭齋後人妄以帝

氏目之卽此額也南唐名法光寺宋改名曰鹿苑寺明

永樂間有迴光大士自西域至重建改賜今額寺後卽

周處臺有郗氏窟相傳梁武郗后化蟒處

事見南史及梁皇懺序但

以爲卽在此地似未可信

按唐劉長卿將赴嶺外畱題蕭寺自注寺

卽梁朝蕭內史勅蕭子雲爲臨川內史然則寺卽子雲

所建蕭字或其題款蕭帝之名殆傳會也

南史任孝恭少從蕭寺雲

法師讀經凡唐人題咏皆稱蕭寺無蕭帝名

碧峯寺在南門外本晉瑞相院永嘉中爲寺唐貞觀敕

褚遂良重建改名翠靈宋淳化改名妙果元至元中改

新修江寧府志

卷之十

古蹟

十二

鐵索寺洪武初重建以居碧峯禪師因以名寺敕宋濂

爲碑

國朝順治十三年重修

按乾道志本晉時尼寺宋元嘉時西域尼鐵索羅等至建業止此故

號鐵索羅寺

寶光寺在梅岡東南舊名天王寺劉宋大明中建梁廢

爲昭明太子果園楊吳時爲徐景通園南唐保大間更

建奉光禪院後葬曇師起塔名寶光塔院元改爲寺明

洪武賜今額

鷺峯寺明天順間卽青溪閣建寺賜額鷺峯在東水關

之南

青溪閣宋淳熙間史正志建康志云在府治東此宋府治在舊王府東北當中正街處不應在秦淮

南今世指鷲峯西溝  
爲青溪其誤明矣

或云舊爲梁法光寺法光卽鹿苑

寺卽山而成今鷲峯無山恐非是

清涼寺在城西石城門內清涼山楊吳順義中建名興  
教寺南唐改名清涼道場宋太平興國改廣慧禪寺蘇  
軾嘗捨彌陀像於寺有詩明初周王某重建賜額清涼  
寺左有清涼臺本南唐翠微亭舊址

國朝重建亭仍舊名

承恩寺在城內三山街之東鍼功坊明舊內劬御用監  
王瑾故宅景泰間改爲寺敕賜今額

嘉善寺在城西北距神策門五里牧馬所鐵石山相傳

新修江寧府志

卷之十

古蹟

十四

是達摩渡江處有石佛閣不知建自何代明正統間僧  
法通掛錫於此因建寺奏賜今額

祈澤寺在高橋門外祈澤山宋少帝建名祈澤治平寺

唐會昌中廢南唐昇元間復元至正重建明嘉靖間修

葺爲祈禱雨澤處

王安石有游  
祈澤寺詩

其北卽天寧寺

雲居寺在高橋門外鍾山舊有雲居寺見昔人題咏今  
此寺相去遠或移改仍因舊名無考

莊嚴寺在高橋門外鳳城鄉按謝尙捨宅造莊嚴寺在  
城中竹格渡宋大明中路太后另造莊嚴寺於城西南  
樂園改謝寺爲謝鎮西寺謝寺經陳大建元年燬孝宣

敕改興寧寺不知何年徙此舊說唐貞觀己酉牛頭惠

忠禪師移住建法堂元季燬明永樂僧眞常重建

江總有大

莊嚴寺碑銘梁元帝亦有碑

定林寺在高橋門外天印山

山即方

宋乾道間僧善鑑創

因定林寺在鍾山廢因請其額於此遂名此爲下定林

寺而號鍾山廢寺爲上定林寺

上定林寺見齊書祥瑞志已有其名

明宏

治重建或謂此地即齊武帝欲起離宮處也

元虞集有定林寺記

有昭明讀書臺諸寺奇物記云方山定林寺有乳鐘一

百八乳乳異聲相傳景陽鐘也

本業寺在麒麟門外建康實錄梁天監年建本釋淨玉

新修江寧府志

卷之十

古蹟

十五

捨宅南唐保大間重修有唐乾德年碑尚存

普濟寺在麒麟門外金陵新志載實錄梁頭陀寺在蔣

山頂後徙置山下宋治平改額普濟寺今寺名同而地

亦相近爲古普濟未可知

草堂寺在城東北去太平門二十七里草堂寺本在鍾

山齊周彥倫捨宅建名草堂寺宋紹興重賜額元泰定

間殿宇大修至正毀於兵燹洪武以鍾山地爲開平忠

武王墓撥楊府莊田易之徙寺於此

梁沈約有草堂寺會食文

永慶寺在城內北門橋鐵塔寺後梁天監間永慶公主

香火因名寺有塔又名白塔寺代遠傾圮惟塔獨存明

洪武間重建賜今額正德間重修寺左數十武卽謝公墩  
幽棲寺在牛首宏覺卽幽棲寺今別有幽棲祖堂寺或  
是宏覺所分唐貞觀時以法融居此爲南宗第一更名  
祖堂楊吳改延壽院宋治平復爲幽棲明代屢修海天  
天竺雪峯覺浪後先住錫

國朝康熙六年中丞林公捐貲置靜室勒石爲記

花巖寺在南門外幽棲之北卽古獻花巖法融居此有  
百鳥獻花故名自唐迄元爲僧舍明成化時始建寺賜  
今額有芙蓉閣翠微房澄江臺大觀堂康熙中林天擎

新修江寧府志

卷之十

古蹟

十六

建滴翠軒踞一寺之勝

吉祥寺在定淮門內清涼山之北元時爲天妃廟永樂  
初奏建改寺萬歷間僧具慶募修

金陵寺在定淮門內馬鞍山唐僧貫休建明正統中內  
使金普英重修賜額懷宗時廬山僧融城居此墓塔在  
山後今其徒隱明嗣法南澗開禪於此山門重新  
莫府寺在莫府山梁武與誌公來游始建寺因名莫府  
寺明萬歷間重修山有達摩洞相傳達摩折蘆渡江處  
崇因寺在南門外十里安德鄉宋時名曠野寺梁元帝  
有碑齊廢梁大同中復唐以法融嘗居此改禪居院宋

改額曰崇因嘉靖間重修

此地舊為新亭有東坡畫像頌又劉誼詩十里崇因寺臨

江水氣青皆為寺證

三塔寺在城北大壯觀山上去神策門一里宋建明永樂間雞鳴寺僧德琮奉旨於靈谷寺建法會因口奏與為雞鳴寺塔院正統間賜額萬厯間重修有寒光亭宋張孝祥有三塔寺寒光亭詩

清真寺在觀音門乾道志云舊名清元寺梁大通年建後廢唐大中間復舊有梁時佛像宋建炎燬明成化年重建

接待寺在城西去三山門外六里明洪武敕建接待十

新修江寧府志

卷之十

古蹟

十七

方

香林寺在太平門內明時建名寺

朝康熙三十八年

皇帝南巡改今名按此與宋慶元志所載杜桂邨之香林寺在高橋門外者各別

普惠寺在三山門外永樂間為唱經樓天順年重修賜額每正旦百僚於此拜送表牋今為禪院

永寧寺在南門外梅岡按高座亦名永寧今分為二後有方孝孺景清祠木末亭松風閣中孚井

李太白從子名中孚披緇

止高座寺 左有泉名永寧

普緣寺晉名耆闍寺在城西北神策門內明成化間僧

能智重修奏賜今額陳張正見唐孟浩然皆有游耆闍寺詩康熙三年重

修

無垢寺去三禪五里梁天監年建宋乾道志名無垢院

明重修

法清院在府治東去靈谷寺七十里梁天監年建名法

清院宋王拱辰題額曰昭文精舍元至元中改昭文書

院明正德間重葺

西天寺在南門外重驛街亦名馴象街西北卽報恩寺

後明初西域僧班的荅來朝賜號善世居此示寂敕建

新修江寧府志

卷之十

古蹟

十八

塔名西天

永福寺在府治南天竺山前宋乾道志云在廣濟倉東

冶城東南本晉開福寺後徙此改景福寺南唐避諱改

永福舊有孔雀壇成化中燬宏治間重修

慧光寺在府治南牛首山東北宋治平中建南史周興

嗣傳梁武以同夏里三橋舊宅捨爲寺名光宅雲光禪

師講法華經於此有天花如雨沈約簡文元帝皆有碑

銘及詩宋治平間移建於此因賜古光宅寺額遂名光

宅

王荆公詩今知光宅寺牛首正當門臺殿金碧毀邱墟桑竹繁則古寺之廢久矣

明洪武間

重修賜額慧光寺東有寂照寺西有靜明寺

福興寺在府治南天竺山梁大同二年袁平建唐上元二年僧道融移舊額改創明重修有唐碑在焉今僧舍圯廢

慧照院在通濟門內百川橋明洪武間建後廢地湧青蓮掘得銅佛宏光時內監施某改宅後復爲僧院

紫竹林在城北耆闍山明崇正間雲居顓愚和尚

師初在江

西青源嘗坐繖下入定如木石又稱繖居

愛此地靜僻結茅茲山自題曰紫

竹林

國朝康熙六年太守陳開虞構攬勝亭作碑記

唱經樓在城內北門橋之北明永樂仁孝皇后建

新修江寧府志

卷之十

古蹟

十九

祇陀林在城南隅鳳皇臺之南明崇正間建徑山雪嶠

天童五峯住錫於此

經廠菴在馴象門內明永樂仁孝皇后建賜碧玉鎮殿

西洋槐二株刻藏經板貯於內明末廢

國朝順治六年僧默如重修

以上府城

興教寺在句容縣治東晉咸寧間建明永樂重建

崇明寺在縣治東北隅晉咸熙中建名義和梁昭明書

額唐會昌中廢天祐二年重建宋太平興國改今額寺

有僧伽塔甚峻明隆慶四年大學士李春坊重修鐘樓

有趙子昂題扁崇正十六年再修

國朝順治四年告成

金華寺在縣治東南隅晉咸康三年尚書令李邈捨宅

造靈曜寺宋改今額

以上  
句容

永壽寺在溧水縣治南明萬歷間形家言縣治西北出

水處無山知縣徐良彥剏塔寺以補之初名永昌後敕

改今名

國朝順治五年僧永泰重修

開福寺在縣南門外唐開元中建明永樂間重修

興化寺在縣東北三十里唐大中初建初名延安寺明

洪武中重修改今名

新修江寧府志

卷之十

古蹟

二十

無想寺縣南一十八里無想山一名寂院

明覺寺縣治西四十里唐咸通間剏名正覺宋嘉定重

修元大順改今額明崇正時圯僧性蘭募修

廣嚴寺縣治北四十里唐天復三年剏初名儀成宋治

平三年賜今額明萬歷重修

以上  
溧水

飛來寺在高淳縣西南明天啟二年忽有銅像彌勒佛

一尊在太平圩之東角及旦黃沙蔽天縣令及士民咸

集遂以建寺名飛來寺

以上  
高淳

孤舟寺在江浦西門定山珠泉之間路通京省明萬歷

丁酉僧孤舟結茅濟衆故名

國朝康熙辛丑律僧滋遠居之募修浦口至滁之關山路

一百二十里又建利洪橋

以上江浦

長蘆崇福禪寺在六合縣南七十五里宋天聖中章獻

太后為玉泉長老建明洪武重修

國朝順治十年天界禪師覺浪改禪院

劉放王安石梅聖俞黃庭堅蘇軾皆

詩有

靈巖寺在縣東十五里靈巖山上唐咸通中建明洪武

重建

定山寺在六合山直定山第一峯梁時建有卓錫泉世

傳達摩思西土水以杖卓石得泉有古銀杏二古檜二

新修江寧府志

卷之十

古蹟

二十一

皆數百年物

祇洹寺在縣北五十里不知何時建舊說寺有解脫禪

師隋主問何以伐陳師云乘桃葉而渡必克晉王廣乃

自桃葉山渡遂造寺

以上六合

朝天宮在府城西舊說即古冶城址劉宋建國學於此

楊吳時建紫極宮宋改天慶觀元改元妙觀又昇為永

壽宮明洪武十七年重建賜今額殿後有萬歲亭凡大

朝賀於此習儀晉西園卞壺墓郭文舉臺皆在側明初

建西山道院以館劉真人又有飛霞飛雲景陽三閣臨

眺踞一城之勝

國朝康熙三十年

聖祖仁皇帝南巡臨幸

皇太后恩賞銀一千兩修葺廟宇

眞武行宮在城西北本吳元武觀趙宋眞武廟明爲神  
樂觀在洪武門天壇西

天妃宮在獅子山下明永樂十四年敕建宮殿華峻廊  
廡繪海中靈玉泉閣高可見江有明文皇御製碑  
盧龍觀在盧龍山明高帝尅陳友諒親樹旌麾督戰於  
此嘗欲建閱江樓不果

洞神宮在淮清橋西舊爲老子宮在鍾山下宋景定四

新修江寧府志

卷之十

古蹟

二十二

年畱守姚希得久宦不歸希得蜀人乃作蜀三神祠於  
青溪渚因以洞神舊額加之世傳此爲江總故宅故希  
得欲以神祠存之

靈應觀在石城門內宋名隆恩祠明正統間改賜今額  
下有潭曰烏龍潭爲放生之所祈雨有驗故以靈應名  
洞元觀在天印山之麓俗傳葛洪飛昇處下有洗藥池  
鍊丹井

玉虛觀在上方門舊說吳時建唐保大構殿宇明萬歷  
重修

元眞觀在中和橋北明永樂十八年爲敕封妙慧仙姑

建元金陵新志亦有元真觀或地改而名沿云

清源觀在雨花臺側宋爲清源廟明成化賜觀額

隱仙菴在清涼山虎踞關之側相傳陶宏景隱居於此

故名明初冷鐵脚尹蓬頭諸人嘗遊於此菴有老桂相

傳爲宋時樹

以上  
府城

青元觀在句容縣治西南隅相傳爲葛洪故宅陶宏景  
有碑明正統間敕賜道經一藏於內

乾元觀在茅山大橫山下卽陶宏景所勅鬱岡齋宋天  
聖間改今額

玉晨觀在雷平山北世稱第一福地有顏魯公書碑

新修江寧府志

卷之十

古蹟

二十二

天聖觀在茅山積金峯下

崇壽觀在大茅峯華陽洞南晉任敦舊宅元虞集有碑  
記

華陽觀在崇壽西梁昭明置名鴻禧院唐寶歷二年改

崇元聖祖院賈餗撰碑宋宣和改今名

紫陽觀在大茅峯下陶宏景勅徐鉉有碑

元陽觀在茅山唐顧況有詩

五雲觀在華陽洞西五雲峯下宋王欽若許國夫人請  
建景祐四年賜額晏殊有碑記

崇禧觀唐貞觀九年置太平觀以處王遠智宋祥符間

改今名張商英有碑記

靈寶院在玉晨觀卽昭真臺故基唐孫智清王棲霞重

建內有老君瑞相殿

以上  
句容

吳大帝陵在鍾山之南名孫陵岡自朝陽門至麒麟門  
相距二十里其間十三岡第三卽孫陵岡也步夫人合

葬

陵側有步夫人  
墩梁何遜有詩

晉元帝建平陵明帝武平陵成帝興平陵哀帝安平陵  
皆在雞籠山按雞籠山當在駐防城北鍾山之南麓俗  
以雞鳴寺山爲雞籠山誤也詳山水志

穆帝永平陵在莫府山西

新修江寧府志

卷之十

古蹟

二十四

康帝崇平簡文高平孝武隆平安帝休平恭帝冲平五  
陵皆在鍾山

宋武帝初寧陵在鍾山麓

文帝長寧陵與初寧相近南史齊豫章王嶷傳宋長寧  
陵隧道出嶷第前武帝數幸嶷第謂曰我便是入他家  
墓內尋人乃徙其表闕騏驎於東岡騏驎及闕形製甚  
巧宋孝武於襄陽致之今二石尙在騏驎門外道旁

明帝高寧陵在莫府山

齊文惠太子陵葬夾石

齊明帝沈太后明宣陵在莫府山

俗呼國  
婆墳

梁昭明太子安寧陵

舊志載在城東北四十五里或云城東燕雀湖故昭明墓也按南史

昭明太子葬安寧陵後元帝平建業時杜崩發安寧陵焚之以報岳陽王譽昔發其祖墓為漆醜之酷然則昭明之墓久無矣傳者皆妄耳

陳高祖萬安陵在城東三十五里舊名陵里又曰天子

林石獸尚存今呼石馬冲

文帝永慶陵在陽山

明太祖孝陵在鍾山之陽與馬皇后合葬懿文太子附於左嘉靖十年更名鍾山為神烈山

國朝定鼎設立守陵監二員陵戶四十名撥給司香田地乾隆十六年三月裁革守陵司香太監但畱陵戶看守

新修江寧府志

卷之十

古蹟

二十五

明享孝陵皆魏國主祭兩廠太監跪送爵平時廠闈多凌鑠勳戚獨不敢犯魏國往往於祭時告病以邀免役

西漢甄邯墓在後湖側見南史何承天傳

吳甘寧墓在直瀆山下伏滔北征記墓有王氣孫皓惡之乃鑿其後為直瀆其水東西流入大江

按直瀆東渠水當由燕子

磯下出江今河道已不可辨其西流水經明時建城隔斷全不可見矣

溫嶠墓初葬豫章朝廷思之乃為遷葬莫府山

郭璞墓在元武湖中世名郭僊墩按璞見殺於桓溫正在南岡其葬於此理或有然世傳在金山者乃未可信耳

卞壺墓在朝天宮西歷代更修今完好如新

傅亮有修卞忠貞墓

啟相傳明太祖微行遇一婦人素服行哭已而大  
祖問之對曰吾夫子皆死是以哭然吾夫爲忠臣子爲  
孝子是以笑問墓所在指示之明  
日視之乃卞壺墓也乃爲立廟

王導墓在莫府山西與宋明帝陵相近

顏含墓在靖安鎮曾孫延之銘十四代孫眞卿重書立  
石

謝惠連墓在宣義鄉與本業寺相近

謝靈運墓在本業寺

柳世隆墓在兒塘按世傳隆曉術數與賓客游兒塘側  
每往常坐一處及卒墓正當其坐處

劉獻墓在青龍山謝眺蕭子良等皆有詩

新修江寧府志

卷之十

古蹟

二十六

裴邃墓在光宅寺西松柏鬱茂范雲墓在三橋蓬蒿不  
剪梁武南郊經二墓嘆曰范爲已死裴爲更生大同初  
都下久旱樹木凋盡獨邃墓萑葱自若

王僧辨墓在方山僧辨爲陳武帝所害父子七人同座  
一穴宣帝時故吏許亨抗表請以家財造墓葬之

顏尚書墓在來蘇鄉後顏邨舊謂魯公非也考魯公上  
世多葬金陵延之與子峻皆歷尚書或是二人之墓

王安石墓在半山寺今寺廢不知所在或以爲卽今太  
平門內香林寺址是

楊宗閔王偉墓皆在鍾山鄉

張孝祥墓在清果寺

明中山王徐達墓在鍾山之陰

高帝親為碑文

開平王常遇春墓在鍾山之陰

宋濂撰碑

岐陽王李文忠墓在鍾山之陰

勅董掄撰碑

信國公東甌王湯和墓在鍾山之陰

蘄國公康茂才墓在莫府山

東邱郡侯花雲墓在上元縣南五十里水橋

侯懷遠人明初守太

平陳友諒入寇城陷不屈死妻郜氏赴水死侍兒孫氏座郜氏抱子煒匿水中七日不死遇老父偕行達金陵高帝置兒於膝曰此將種也授左衛指揮洪武七年至太平奉母郜夫人發歸束草像父加以衣冠合葬於此宋濂為墓啟有花雲兒詩

新修江寧府志

卷之十

古蹟

二十七

燕山侯孫興祖墓在鍾山

江國公吳良墓在鍾山

公定遠人洪武三年封江陰侯卒贈江國公諡襄烈

海國公吳禎墓在鍾山

良之弟諡襄毅

滕國公顧時墓在鍾山

公濠人諡襄靖

安陸侯吳復墓在鍾山

侯合肥人諡威毅

許國公王志墓在鍾山

公濠人洪武三年封六安侯卒贈許國公諡襄簡

沂國公金朝興墓在太平門外

靜誠先生陳遇墓在鍾山

太常寺卿呂本墓在鍾山

尚書王廠墓在土山

太子太保梁材墓在白山

刑部尚書顧璘墓在彭城山

少司馬李喬墓在太平門外黃練岡

太子少傅諡莊節公張可大墓在騏驎門外侯家塘

坦然先生周文煒墓在騏驎門鎖石邨

太僕寺卿方大美墓在秣陵關邵邨

公桐城人官南畿太僕寺卿遂居此

子名拱乾崇正戊辰進士廬墓三年

芮國公楊璟墓在鍾山

公合肥人賜葬

汝南侯梅思祖墓在鍾山

侯夏邑人賜葬

以上上元

宋孝武帝景寧陵在巖山路太后陵在東南

新修江寧府志

卷之十

古蹟

二十八

少帝陵在南郊壇

前後兩廢帝在郊壇西太宗卽位遷前廢帝何皇后合

葬龍山北

龍山卽巖山

梁元帝陵在縣未詳所在

陳天嘉元年詔梁孝元遭罹多難靈櫬播越朕昔經北面

有異常倫遣使迎接已次近路江寧既是舊塋宜卽安卜

齊豫章王嶷竟陵王子良墓在金牛山

梁文宣阮太后陵在博望山

南唐昭惠后懿陵未詳

後主有詩

明高帝張賢妃墓在牛首

高帝李順妃墓在吉山東北

明韓憲王墓在安德鄉俗呼韓府山卽巖山王諱松帝第二子

駙馬都尉梅殷墓在牛首殷海南侯思祖子尚寧國公

及兵至淮北與公主書令遷太平門外勿罹兵禍公主

不荅殷既為譚深等所害有瓦刺輝者口外人素屬殷

幕下憤深等害殷請於上割二人

心祭殷祭畢自經死葬殷墓側

太祖臨安公主駙馬李祺合葬在祝禧寺永樂初不朝

賜死於江浦

福清公主駙馬張麟墓在七里鋪東

南康公主駙馬胡觀死靖難之役葬牛首下將軍山公

主葬馴象門外賽工橋

新修江寧府志

古蹟 二十九

含山公主駙馬尹清墓在雨花臺

汝賜公主駙馬謝達墓在安德鄉

常寧公主駙馬沐昕墓在長泰北鄉

張悌墓在板橋西

晉王祥墓在縣南按太保卒於西京墓不應在此景定

志云當是南渡時丞相導奉之以來姑存之以廣聞

衛玠墓在新亭

阮籍墓在鳳凰臺按籍卒於魏時墓不應在此舊傳明

萬歷間李昭掘得石碣有晉賢阮已又得半段曰籍之

墓遂謂阮墓在此既稱之曰晉賢則其為後人所立而

非當時墓阡可知此不足信

謝文靖公安墓在城南梅岡

舊志云墓前有無字碑引漢晉紀事以為功德難述

故也又引南史云郡吏南陽樂藹與沈約書請為碑約

荅曰安石素族之台輔時無麗藻迄今有碑無文蓋謂

此也按此見南史齊豫章文獻王嶷傳嶷薨其故吏樂

藹等有欲率荆江湘三州僚吏建碑請沈約為文約荅曰

郭有道漢末之匹夫非蔡伯喈不足以偶三絕謝安石

夔倫儀刑寓內自非一代詞宗難或與此聞命慙顏云

云約意蓋謂藻不工與無文同非真謂謝碑無字也

景定建康志遂謂安墓前有白碑淺陋已極而舊志沿

踵其謬幾謂齊梁之樂藹為晉謝安之故吏尤為謬妄

大率多類此云

甘卓墓在江寧縣雲臺山南五圖地名甘泉里俗稱甘墓岡嘉慶十六年其裔孫福為重修立碑

新修江寧府志

卷之十

古蹟

三十

南唐韓熙載墓在聚寶門外雨花臺初熙載得罪南遷

上表陳謝後主覽而悲之遂免南行尋終於城南戚家

山賜衾裯以殮贈平章事所司謂無贈宰相例後主曰

當自我始徐鉉祭文黔婁之衾賜之御府季子之印佩

入泉扃

按熙載之死宋有一小說云在圍城中

宋楊邦乂墓在聚寶門外

楊萬里有三月三日上忠襄公墳詩

秦檜墓在江寧鎮南十里牧牛亭又名木龍亭元兵渡

江屯於墓側兵士踐穢時人呼為穢塚明萬歷年有人

發其塚內惟銅鑪及瓶盃而已

元忠臣墓至正丙申三月明祖取集慶路行省丞相紀

綱抗禦兵敗全家被戮葬於今貢院明遠樓下嗣建貢院卽以此樓鎮之四百年來未有議改葬者爲一闕典公靈爽赫奕人奉爲貢院中土神當時御史大夫福壽同死不知何以獨祀鳳臺門又不知墓處

元劉叔亮墓在雨花臺趙孟頫有登雨花臺弔故人劉叔向墓詩

明寧河王鄧愈墓在城南鄧府山

黔寧王沐英墓在長泰北鄉

虢國公俞通海墓在聚寶山

越國公胡大海墓在城南十五里

新修江寧府志

卷之十

古蹟

三十一

梁國公趙德勝墓在烏石岡

鄭國公馮國用墓在鳳西鄉

陝國公郭子興墓在聚寶山

營國公郭英墓在聚寶山

夏國公顧成墓在安德門外晉化寺

公湘潭人諡武毅

蔡國公徐忠墓在城南十五里

永樂中賜葬楊士奇撰碑

鄆國公宋晟墓在聚寶門外

永樂中賜葬

安遠侯柳斗墓在安德鄉

隆平侯張信墓在朱門山

忻城伯趙燧墓在鳳臺門東

懷遠侯墓在板橋

開平王孫嘉靖中續封

瑞安侯王源墓在聚寶門外

豐城侯李彬墓在吉山

武靖伯趙公墓在雨花臺

南寧伯毛元墓在安德門

太子少保唐鐸墓在南門十五里

鳳陽人賜葬

韓成墓在吉山

成死鄱陽之戰康郎山祀功臣以成爲首

正學先生方孝孺墓在聚寶山側

公寧海人文皇命草詔不屈磔死爨其族

門人王稔收遺骸葬聚寶山或曰土人以盜竊葬萬歷間湯顯祖爲文立石表其墓鄭曉吾學編收孝孺骸者

都督廖鏞

新修江寧府志

卷之十

古蹟

三十二

淳泥國王墓在石子岡

永樂中來朝卒賜葬於此

學士張益墓在鳳西鄉

公卒於土木之變成化己巳季子太僕丞翔具衣冠葬此

太子少保周瑄墓在安德鄉

太子少保童軒墓在鳳臺岡

禮部尚書倪謙墓在新亭鄉

少保倪岳墓在新亭鄉

刑部尚書張瑄墓在唐家山

右都御史張琮墓在鳳西鄉

太保王以旗墓在白山

禮部侍郎殷邁墓在白家湖

刑部侍郎吳自新墓在江寧鎮

大學士何寵墓在江寧歸善鄉公桐城人崇正時入閣

靖南侯黃得功墓在方山

友菊居士賀確墓在鳳西鄉以上江寧

晉葛洪墓在句容縣西一里

紀瞻墓在縣東南二十五里

梁陶宏景墓在雷平山

明吏部尚書曹義墓在箭塘山

太僕寺卿張諫墓在福祚鄉以上句容

尚書端木復初墓在溧水縣北十五里宋濂撰志銘

新修江寧府志 卷之十 古蹟 三十三

翰林待詔端木孝文墓

孝子梅洪墓在城北

明齊泰墓在溧水縣南青絲洞以上溧水

南唐慶王墓在高淳縣南王名宏范元宗第二子

宋童國秀墓在胥河之北寶祐二年國秀死之朝廷旌其忠犯蜀國

賜葬於此

宋魏良臣墓在縣南南塘

楚項王墓在江浦烏江鎮

宋張孝祥墓在江浦縣黃悅嶺

明吏部侍郎莊景墓在定山以上江浦

唐貞晦先生張融墓在六合縣棠邑鄉貞元中呂溫表  
其墓

刑部左侍郎李敬墓在龍山

以上  
六合